

## Modimo o širiletša lenyalo le thobalano

Thero mo Ekisodo 22:16-17

*Palo ya Beibele: Ekisodo 22:16-31*

*Temanathero: Ekisodo 22:16-17*

Mo mathomong a tirelo re thomile ka go theetša melao e lesome. Melao ye ke kakaretšo ya thato ya Modimo ka moka. Ge o thoma go bala puku ya Ekisodo, gomme o tšwela pele o bala Lefitiko, Numeri le puku ya Deutoronomi, o tlile go hwetša melao ye mengwe e mentši. Yeo e fetago e lesome. Le ga go le bjalo, melao ye ka moka e a akaretšwa mo go ye lesome. Ga re tšee mohlala temana yeo re e balago mo pukung ya Ekisodo 22. E bolela ka ditaelo tša ditaba tše dintši. Le ga go le bjalo, ka moka ga yona e akaretšwa ka melao ye lesome. Mo temaneng ya 16-19 e bolela ka molao wa bošupa: O se ke wa otswa. Temana ya 20 e bolela ka molao wa mathomo: o se ke wa itirela medimo ya go betlwa. Temana tša 21-27 e bolela ka molao wa bo seswai: o se ke wa utswa. Temana ya 28 e bolela ka molao wa boraro: o se ke wa bolela leina la Morena Modimo wa gago ka lefela.

Temana ya rena (16-17), e bolela ka molao wa bošupa. Ge o bala e re: o se ke wa otswa, temana ye ke kakaretšo ya melao yeo e fapanego ye e bolelago ka lenyalo le thobalano.

Temana ya rena e bolela ka baswa ba babedi bao ba sešego ba nyala. Re bala gore: 'Ge motho a ka fapoša kgarebe ye e sešego ya beeletšwa, a robala nae...' Se se ra gore, ga se taba ya go katwa. Ka bobedi lesogana le lekgarebe ba tšene thobalanong ka go rata. Le ga e le gore ga se ba nyalana, le gore ba be ba se a beakanya go nyalana. Go Modimo se se bonala e le phapogo e kgolo. Lebaka la se ke gore Modimo o bile molao wa thobalano ka tlase ga lenyalo. Ge go le bjalo, ge selo sa mehuta wo, se diragala ga se fela tiragalo ka morago ga gore ba ka phela bophelo bja bona, bjalo ka ge ba be ba phela. Temaneng ya rena! Re bala gore lesogana, ka morago ga gore a tsena thobalanong le lekgarebe, o swanetše ke go mo nyala! O tlile go lefa tefo ka moka ya monyadiwa gomme a mo nyala! Lebaka la tefo ya monyadiwa matšatšing ao e be e le go homotša tatagwe (batswadi) lebakeng la morwedi wa gagwe. Gobane ka setlwaedi morwedi wa gagwe o be a šomela, mohlala o be a šoma mašemong. Empa ka morago ga lenyalo o tlile go tlogela lelapa la tatagwe gomme a ya go šoma mašemong a monna wa gagwe.

Ga re lekeng go kwešiša temana ya rena gabotse. Tlhalošo ya se, ke gore ditiro tša thobalano pele ga lenyalo di tliša gore lenyalo le be gona. Ge lesogana le lekgarebe ba tsena thobalanong, go sa lebelelwe gore ngwana o ba gona go ba a be gona, ke lebaka fela la gore gobane ba tšene thobalanong, ba swanetše gore ba nyalane. Se ke thato ya Modimo yeo re e balago mo Beibeleng.

Ke a tshepa gore lena bana bešo le lemoga se. Thobalano ga se lebaka la toko ye e lokilego. Ke ditiro tšeo di nago le ditlamorago! Re swanetše go lebelela se gabotse, kudukudu mo setshabeng seo se tšeago thobalano bjalo ka papadi. Selo seo o ka ithutago sona ka tsela ya go itapološa. Ke bolela se kudu mo go masogana ao a sešego a nyala. Gomme go makgarebe ke re: thobalano ga se selo se bonolo sa go dira tšhelete, goba go humana mpho e botse. Thobalana ga se selo seo se itoketšego, go lebeletšwe ditlamorago tša gona!

Gomme bjale ga re tšweleng pele ka temana ya rena, gobane mo go temana ya 17 re bala ka se sengwe. Re ka bolela ra re ke setlwaedi seo se ahlolwago. 'Ge tatagwe a gana go mo fa...' Se se ra gore, ke tsela yengwe yeo e ka thibelago gore lenyalo le be gona. Gomme ke ge tatagwe (re ka etšea ra re mohlomongwe muagwe o realo, ba bolela ka botee le tatagwe), ba gana go fa lesogana morwedi wa bona. Bona, batswadi ka bobedi, ke bona fela bao ba ka tšeago kgetho. Lebelela gabotse, e sego lesogana. Ga a dumelelwa go bolela a re: aowa, ke a itshola, ke rata lekgarebe le, ke be nka se kgone go ithibela go robala le yena, empa ke be ke se ka ikemišetša go phedisana le yena. Bjale ke nyaka go mo tlogela. Aowa, ga a mo maemong a go bolela seo! O

swanetše go rwala maikarabelo a ditiro tša gagwe. O swanetše go mo tšea bjalo ka mosadi wa gagwe, gomme a le fe tefo ye etletšego ya monyadiwa.

Empa re ka reng ge lekgarebe le sa mo nyake bjalo ka monna wa gagwe? Le mo lebakeng le ga a na kgetho. Le yena o swanetše go rwala maikarabelo a ditiro tša gagwe. Ga se a katwe, o tšene thobalanong ka go rata. Yo a ka tšeago kgetho lebakeng le ke tatagwe fela. Mohlala, ge tatagwe a bona gore morwedi wa gagwe o tshoga go nyalana le lesogana le, goba ge tatagwe a lemoga gore ba ka se ke ba swanelana, a ke tšea kgetho yeo e tšeago ke yena fela. Empa yena fela! Gape re a bona gore go bohlokwa gore Modimo o lebeletše kopanelo ya lenyalo, mo e lego gona fela mo thobalano e ka diregago gona, ka mo gare ga polokego ya lenyalo.

Bjale ga re tšee gore tate o kgetha gore lesogana le lekgarebe ga ba swanelana ge ba ka nyala. Yena, ke monna o mogolo, yo a nago le maitemogelo a bophelo, gabotse o tlile go bona lebaka la seo. Ge a ka bona gore lenyalo la mehuta wo le tlile go ba papadi, o na le tokelo ya go thibela bobedi gore ba nyale. Empa, temana ya 17, seo ga se re gore lesogana le tla ikela ka tokologo. Ka ge re bala: 'o swanetše go lefa tefo ka moka ya boopa.' Le ge e le gore ga a mo nyale, o swanetše ke go lefa – nka e bitša ka re – ke kotlo. Go tloga ka Doiteronomio 22:19, mo molao o boeletšwago, re tseba karolo ka moka ya kotlo. Re bala mo: o swanetše go lefa tatago mosetšana ka sekele tše legolo tša silifera. Sekele tše masome a mahlono tša silifera. Palo ye, e ka bapetšwa le ditefo tša mengwaga ye mehlano ya go šoma! Ka nnete ke kotlo e kgolo! Gape re ka fetša ka gore thobalano pele ga lenyalo, mo mahlong a Modimo, ke sebe se segolo. E sego fela ge lekgarebe le ithwele. Thobalano ka moka yeo e lego kantle ga lenyalo ke sebe se segolo.

Ge go le bjalo banna ka moka ba swanetše go tseba maikarabelo a bona, go tlogela basetsana. Gomme mosetšana o swanetše go hlompha thato ya Modimo, mohlala a se apare ka tsela yeo a tlilego go go ketša masogana go tsena thobalanong le yena. Thobalano ke selo se se botse se Modimo a se dirilego. Empa bo madimabe batho ba e senya. Le ga go le bjalo, re leboga Jesu Kriste, yo a mphsafatšago maitshwaro a rena, ka modiro wa lentšu la gagwe, le Moya o Mokgethwa maphelong a rena. O re dira gore re nyake go direla Modimo, re lemoge bohlokwa bja go theetša melao ya gagwe. O re nea maatla a go fenya diteko le go dula re tiile. O go nea hlohleletšo ya go leta ka molao wa thobalano go fihlela o nyala, go ipshina ka neo yeo Modimo a ineilego ka gare ga polokego ya lenyalo. Re leboga Jesu ka maphelo a rena, le ka maphelo a thobalano a thoma go ka mpshafatšwa.

Bana bešo, nako ga se e fele ya go ka thoma go direla Modimo. Le ge o na le history mo bophelong bja gago ya thobalano, Jesu o kgona go hlatšwa dibe tša gago ka moka, go go fodiša le go go hlatšwa. O go nea monyetla wa go thoma bophelo bjo bofsa. O se ke wa o tlogela. O tšee gona bjale!

Amene.